



Accion 21 y MAS:

Calidad riba cantidad den e bataya electoral?

E contienda electoral na Aruba ta cuminsa haya forma y dos partido cu ta hala atencion ta Accion 21 y MAS. Ambos partido no a inscribi e cantidad maximo di candidato – Accion 21 cu 9 y MAS cu 7 – mientras cu e expectativa tabata cu nan lo a bin cu minimo 15 candidato. Asina mes, ta parece cu ambos partido a haci un escogencia consciente pa enfoca riba calidad riba cantidad. Esaki por ta un movicion strategico pa drenta e eleccion miho prepara y maximalisa nan chens.

Accion 21: E carga pisa di Mansur

Cerca Accion 21, banda di lider Miguel Mansur, nos ta mira 6 candidato mas cu a participa den e eleccion anterior. Mansur a demostra di por duna un actuacion fuerte, tanto den parlamento como durante campaña anterior. El a haci un impacto significativo cu su contribucion n'e legislacion LGBTQ+, cu el a realiza hunto cu otro. Esaki ta muestra cu e ta capaz di trece cambionan importante. Sinembargo, cu un lista mas chikito di candidato, e presion riba Mansur lo aumenta pa carga e peso principal di e campaña. Esaki lo no ta un tarea facil, pero si e logra hiba un campaña fuerte atrobe, e por bolbe demostra di ta un contrincante formidabel.

MAS: Liderazgo experiencia di Tromp

Di otro banda, nos tin MAS, lidera p'e experiencia di Marisol Tromp. Aunke algun analista politico ta atribui e actuacion fuerte di e partido durante e eleccionnan anterior na circunstancianan casual, ningun hende por nenga cu Tromp ta un lider bon pensa y strategico. Su escogencia pa su compañeronan di partido ta muestra cu e ta evalua tur cos cuidadosamente. Hunto cu dos candidato di confianza di e eleccionnan anterior, el a agrega algun cara nobo, incluyendo dos candidato notabel: Gilmar Werleman y Arthur La Moria.

Streanan emergente cerca MAS: Werleman y Gunn

Gilmar Werleman ta un recien yega den politica, pero su enfoque tradicional di campaña por resulta di ta un sorpresa. Aunke ta dificil pa existi hopi di un candidato nobo, cu mas o menos 200 voto e lo a logra un exito enorme caba. E otro candidato, Aquanette Gunn, cu sinembargo, ya ta conoci den parlamento. El a desaroya su mes como un politico firme y determina cu un conocimiento profundo di

e temanan cu e ta atende. Su postura directo ta wordo aprecia pa hopi hende y e ta cuminsando haya un status di (Pittige Tante) den wowo di su siguidonan. Si Gunn logra hiba su grupo creciente di sostenedo na urna electoral, e por ta un di e sorpresanan mas grandi di e eleccionnan aki.

Liderazgo den reto

Tanto Miguel Mansur como Marisol Tromp ta enfrenta e reto di lidera nan partidonan den e ronda electoral aki. Mansur tin un base fuerte, pero lo mester traha mas duro pa pusha su partido padilanti. Tromp, di otro banda, ta parece cla pa bolbe reclama su luga den politica, aunke e hype rond di MAS ta parece un poco menos cu den e eleccion anterior. Loke Tromp tin na su favor ta su experiencia y su capacidad pa tuma decisionnan dificil. Aruba mester di un lider fuerte cu ta dispuesto pa kibra e status quo y ta precisamente riba esey Tromp ta parece di ta enfocando.

Ta tempo pa Gabinete Tromp I?

Cu e cambio di lider di lista cerca AVP, e falta di experiencia di Mansur A21 y Gerlien Croes di Futuro, ta surgi e pregunta: esaki por t'e momento pa un Gabinete Tromp I? Aunke tempo lo bisa con e eleccion lo bay, Marisol Tromp a demostra cu e tin e liderazgo necesario pa haci loke ta necesario, incluso si esey ta significa cu e mester tuma decisionnan impopular. E contienda electoral lo ta emocionante y ta keda di mira si e calidad di candidatonan riba cantidad lo t'e strategia victorioso.

ARUBA PORTS AUTHORITY NV
ORANJESTAD + BARCADERA

we are [Looking for]
candidates for the positions of:

Safety Coordinator & Port Liaison

The Safety Coordinator & Port Liaison is responsible for the operational port compliance of APA and makes a general contribution to the organizational objectives, and also manages the relationship between the Port Authority and local and international authorities and related organizations.

For more information visit www.arubaports.com